



Siverth K. Heilmann

UPA 2023/64 & 120-1

Atassut

27. april 2023

Utoqqalinersiaqarneq pillugu Inatsisartut inatsisaat nr. 20, 23 november 2015-imeersup allanngortinneqarnissaa siunertaralugu Naalakkersuisut peqquneqarnissaannik Inatsiartut aalajangiiffigisaassaattut siunnersuut. Allanngortitsinermi utoqqalinersiaqartup aapparisaata isertai naapertorlugit utoqqalinersiaqarnissamut naatsorsuunneqartarnera atorunnaarsinneqassaaq.

(Inatsisartunut ilaasortaq Mariane Paviasen, Inuit Ataqatigiit)

Utoqqalinersiaqarneq pillugu Inatsisartut inatsisaat nr. 20, 23. November 2015-imeersooq kingusinnerusukkullu allannguutit ilanngullugit allanngortinneqarnissaannik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut, utoqqalinersiaqarneq aapparisaap isertitai tunngavigalugit allanngortinneqartarunnaarnissaat anguniarlugu.

(Inatsisartuni ilaasortaq Jens NapätôK`, Naleraq)

Inatsisartuni ilaasortat marluk, utoqqalinersiaqartarnermi aapparisaap isertitaasa atorunnaarsinneqarnissaannik inatsisartunut aalajangiiffigisassatut siunnersuutaanut qujanarujussuaq, imatullu Atassummiit takisuuliornanga oqaaseqarfigissavakka.

Utoqqaat atugaasa pitsaanerulersinneqarnissaannik siunertaqarlunga, utoqqalinersiuteqareersut sulinerikkut isertitaqalaarpata, pisartagaannik pisortaniit ilanngartunneqartarnerup allanngortinneqartariaqarnerannik siunnersuuteqartarpunga oqaaseqarfigisaqalugillu. Ilaatigut allorialaartarpugut aammali siunniussaareersunik Naalakkersuisuusartuniit torrallaanerliornerit, sulit ukiuni makkunani ilungersuatitsipput. Siunnersuutigisakkanut itigarajuttarama, oqaasinnaarilikkannut ilaavoq, ilissi partii apeqqutaatinnagu siunnersuutiginiarsigit tapersikutsuussavassi.

Siunnersuuteqartoq inatsisartuni ilaasortat, Mariane Paviasen, Inuit Ataqatigiit aamma Jens NapätôK`, Naleraq, torrak inatsisartunut aalajangiiffigisassatut siunnersuuteqarassi. Atassummiit siunnersuutisi tunngaviatigut tapersingaassavassi.

Sulineq aqqutigalugu, akileraartussaataitaanerput pisussaaffiuvoq malittariaqagarput. Inuit peqqissut, sulinissamut assaat amerlanerusut nunaqavissullu atorfissaqartippagut. Avataaniik sulisussanik tiki-

orartitsinerput amerliartuinnartissanngikkutsigu, utoqqaat sulerusuttut, sulinerikkulli allatuulli akileraartarnissaat utoqqalinersiuteqarneq piginnarlugu nalilersorneqarniarli.

Taamatut Atassummiit naatsumik oqaaseqarluta, inassutigissavarput suliap aappasaaneerqartigani ataatsimiititaliamut susassaqtumut ingerlateqqaarneqassasoq, oqaaseqaatigineqartullu tamaviisa matumuuna torrallallugit peqqissaarullugillu suliarineqassasut.

Qujanaq.